

অগ্নিগর্ভ দার্জিলিং

সরকারের প্ররোচনামূলক, অবিবেচক পদক্ষেপই দায়ী

দার্জিলিং-এ পুলিশের গুলি চালিয়ে হত্যার তীব্র নিন্দা করে এস ইউ সি আই (কমিউনিস্ট)-এর রাজ্য সম্পাদক কমরেড সৌমেন বসু ১৭ জুন এক বিবৃতিতে বলেন, ‘আজ পাহাড়ে তৃণমূল কংগ্রেস পরিচালিত রাজ্য সরকার যেভাবে মিছিলকারীদের উপর গুলি চালিয়ে হত্যা করেছে আমরা তার তীব্র নিন্দা করছি।

আমরা মনে করি, রাজ্য সরকারের পাহাড়ে নেপালি ভাষাভাষীদের উপর বাংলাকে চাপিয়ে দেওয়া, বিভিন্ন পর্যদ গঠন করে বিভাজন সৃষ্টি করা সহ প্ররোচনামূলক, অবিবেচক ও অবিমূষ্যকারী পদক্ষেপের ফলেই বর্তমানে পাহাড়ে এই অগ্নিগর্ভ পরিস্থিতির সৃষ্টি হয়েছে। শোষণ-বঞ্চনাতে পর্যুদস্ত পাহাড়বাসীর জীবনকে আরও দুর্বিষহ করে তোলা হয়েছে। অথচ বন্ধ চা বাগান খোলা, ন্যূনতম বেতন চালু করার ক্ষেত্রে এই সরকার বিগত সরকারের মতোই সম্পূর্ণ নিষ্ক্রিয়।

রাজ্য সরকার পুলিশ প্রশাসন, মিলিটারি, প্যারা-মিলিটারিকে জড়ো করে দমনপীড়নের যে পন্থা অবলম্বন করে চলেছে আমরা তার তীব্র বিরোধিতা করছি।

আমরা সরকারের কাছে অবিলম্বে দমনপীড়নের পথ পরিহার করে, সংকীর্ণ নির্বাচনসর্বস্ব রাজনীতির উর্ধ্বে উঠে সমস্ত রাজনৈতিক দল ও সংশ্লিষ্ট সকল পক্ষের সাথে আলাপ আলোচনার মাধ্যমে সমস্যার সমাধানের দাবি করছি।’